



NAJIB melihat pameran fotografi legasi kepemimpinan Perdana Menteri dan Tun Razak di UMP.

## Kenali pemimpin lebih dekat

**Pekan:** "Pameran ini dapat memberi peluang generasi muda mengenali pelbagai sisi dua pemimpin nombor satu negara, Allahyarham Tun Razak Hussein dan anakandanya, Datuk Seri Najib Razak.

"Kedua-duanya mewakili zaman berbeza, tetapi memainkan peranan penting dalam pembangunan negara," kata Amirul Asyraf Borhan, 21, antara pengunjung Pameran Legasi Kepimpinan Tun Abdul Razak di kampus utama Universiti Malaysia Pahang (UMP), di sini, semalam.

Penuntut Ijazah Sarjana Muda Kejuruteraan Awam dan Sumber Alam itu berkata, semua pihak wajar mengambil peluang melihat sendiri pameran fotografi berkenaan.

"Ada banyak perkara, termasuk gambar menjadi saksi sejarah negara dan tidak ramai yang mengetahuinya atau terlupa terhadap fakta menjadi bukti peristiwa penting dalam perjuangan politik pemimpin berkenaan.

"Koleksi gambar dipamerkan ini juga membantu kita mengenali lebih dekat Allahyarham Tun Abdul Razak dan Najib serta persa-

**“Ada banyak perkara, termasuk gambar menjadi saksi sejarah negara dan tidak ramai yang mengetahuinya”**

**Amirul Asyraf Borhan**

maan personaliti yang ada pada mereka," katanya ketika ditemui.

Pameran dua hari di Dewan Bankuet Bangunan Canseleri Tun Abdul Razak itu adalah kerjasama UMP dengan The New Straits Times Press (Malaysia) Ber-

had (NSTP) sempena 40 tahun pembabitan Perdana Menteri dalam politik.

Sementara itu, Ketua Penyelidik Pejabat Naib Canselor UMP Wan Nazrul Helmy Wan Mohd Zain berkata, pameran sejarah kepimpinan itu wajar dihayati semua pihak untuk dijadikan inspirasi kepada generasi muda yang akan menjadi pewaris pemimpin negara pada masa akan datang.

"Pameran fotografi ini juga secara tidak langsung sebagai penghargaan dan penghormatan kepadanya serta ayahandannya dalam memajukan negara dan membawa kemakmuran ke daerah Pekan," katanya.



PENGUNJUNG bergambar di pameran di Dewan Bankuet Bangunan Canseleri Tun Abdul Razak.